

1 ნოემბერი

შაბათი
2025

ყველაწმიდას დიდდღესასწაული,
დღ [ს], თ

გამოცხ 7,2-4.9-14; ფს 23; 1იო 3,1-3; მთ 5,1-12

წეტარ არიან მშვიდობის მოქმედნი მთ 5,9

ყველა წმიდანი მშვიდობისმყოფელნი და იესოს მოზიარენი გახლდნენ, რამეთუ თავგანწირული სიყვარულით იდგნენ კაცთა მსახურებაში. მეც მშვიდობისმყოფელი ვარ, როდესაც იესოს სიტყვის თანახმად ვცხოვრობ, ასე ვაცხადებ მის წმინდა სიყვარულს. ყოველნო წმინდანო ზეცისა, რომელნიც ქრისტეს სიწმინდეს აირეკლავთ, თქვენთან ერთად ვგალობთ ზეციერი მამის ქებას: ალელუია!

2

ნოემბერი

კვირა
2025

კვირადღე მოხსენიება ყველა
მორწმუნე მიცვალებულისა, [ს], ი

წირვა 1: იობ 19,23-27; ფს 26; რომ 5,5-11; იო 6,37-40

წირვა 2: ეს 25,6.7-9; ფს 24; რომ 8,14-23; მთ 25,31-46

წირვა 3: სიბრძ 3,1-9; ფს 41; გამოცხ 21,1-5.6-7; მთ 5,1-12

მართლთა სულები ღვთის ხელთა სიბრძ 3,1

რახანია, რაც ჩემი მშობლები, უფლის მორწმუნენი და მოყვარულნი, იესოს – ჩვენი გამომსყიდველის ნაიარევ ხელებს ჩავაბარე.

მშვიდად მოველი იმ დღეს, როდესაც მათ შევხვდები და მათთან ერთად ვილხენ სამოთხის სიხარულით. არ ვიმსახურებ, მაგრამ მე მწამს იმ სიყვარულის, რითაც ვუყვარვარ იესოს და ზეციერ მამას მე, ისინი და ყველა.

3 ნოემბერი

რიგითი ჟამის XXXI კვირა [III]

ორშაბათი

2025

საქართველოში მოღვაწე ყველა გარდაცვლილ კათო-
ლიკე სასულიერო პირთა მოხსენიების დღე (მ), ი
წმ. მარტინ პორესელი, დომინიკელი ბერი,
+1639 ლიმაში

რომ 11,29-36; ფს 68; ლკ 14,12-14

(ან, მიცვალებულთა წირვის სხვა საკითხავები)

მ. სერაფიმ მერაბიშვილის (+1940), მ. შიო ბათმანიშვილის (+1937),
მ. ლაზარე გოზალიშვილის (+1937?), მ. სტანისლავ კაჭკაჭაშვი-
ლისა (+1937) და მ. კონსტანტინე შეშაბერიძის გახსენება

შენ მართალთა აღდგომისას მოგესტეება ლკ 14,14

იმ წმინდანებს შორის, რომლებიც წინა დღე-
ებში მოვიხსენიეთ, არის სან მარტინო დე პო-
რესი. პერუში, კერძოდ ლიმაში, იგი თავდაუ-
ბოგავად იღვწოდა ხანდამბული, სნეული და
უპოვარი ძმების მიმართ, რომლებიც განუ-
წყვეტლივ აკაკუნებდნენ მონასტრის კარზე.
თუკი უპოვარზე გასცემ და სანაცვლოს ვერ
მიიღებ, მაშასადამე, უსასყიდლოდ გასცემ
სიყვარულს, უფლისმიერ სიყვარულს. იგი
უთუოდ მოგიზღავს გულის სიხარულით, და
ბოლოს, „მართლებთან“ ერთად აღდგომით,
ანუ მათთან, ვინც მამის ნებას აღასრულებს.

4 ნოემბერი

რიგითი ჟამის XXXI კვირა [III]

სამშაბათი :
2025 :

წმ. კარლო ბორომეო, კარდინალი,
მილანის ეპისკოპოსი, +1584, (მ), თ

რომ 12,5-16; ფს 130; ლკ 14,15-24

ერთსულოვანი იყავით ერთმანეთში რომ 12,16

რომის ქრისტიანები შემართებით ცხოვრობდნენ ზეციური სასუფეველის მოქალაქეებად: გულთ ატარებენ თავიანთი მეფის “განცდებს”; არიან მოწყალენი და თავმდაბალნი, გასაჭირში მტკიცენი, იმედში ლაღნი, ძმურ სიქველეში და ყველას მიმართ გულმხურვალენი. მათი წყალობით ცოტათი მაინც სუნთქავდა წარმართული იმპერიული რომი სამოთხის ჰაერს.

5 ნოემბერი

ოთხშაბათი :
2025 :

რიგითი ჟამის XXXI კვირა [III], 26

რომ 13,8-10; ფს 111; ლკ 14,25-33

ვინც არ ატარებს თავის ჯვარს,
ვერც ეხსლება ჩემი მოწაფე ლკ 14,27

ერთ-ერთმა მეგობარმა თავისი „ჯვარი“ მანდო: მისი მცირედმორწმუნე ნათესავები უნდა მენახა. კვირის წირვას ესწრებიან, მაგრამ არც სახლში ლოცულობდნენ და არც სამრევლოში, არც ფორმაციულ შეხვედრებში იღებდნენ მონაწილეობას. მეგობარი კვლავაც თანაგრძნობით აგრძელებს მათზე ფიქრს და იმედოვნებს, რომ ოდესღაც უფალი მათ გულებსაც შეეხება.

6 ნოემბერი

სუთხაბათი :
2025 :

რიგითი ჟამის XXXI კვირა [III], მწ

რომ 14,7-12; ფს 26; ლკ 15,1-10

ვიზოვე ჩემი დაკარგული კრავი ლკ 15,6

იესო მამა ღმერთის გულს გვაჩვენებს, რომელიც ყოველი კაცის გამო ხარობს: ვინც მას უბრუნდება საკუთარი ცოდვის აღიარებით, ვინც აცნობიერებს, რომ მწუხარების გზებზე დაიკარგა. იესო, მინდა გემსგავსო და დაგეხმარო დაკარგულის პოვნაში, მზად ვარ მისი ტვირთის სატარებლად. ასევე მსურს გავიზიარო შენი სიხარული, რასაც განიცდი შენს ეკლესიაში თუნდაც ერთი ადამიანის დაბრუნების ხილვით.

7 ნოემბერი

პარასკევი :
2025 :

რიგითი ჟამის XXXI კვირა [III], 25

რომ 15,14-21; ფს 97; ლკ 16,1-8

რათა წარმართთა შესაწირავი იყოს სასურველი
და სულიწმიდის მიერ განწმენდილი ლკ 15,16

წმინდა პავლე რომის ქრისტიანებს წერს, რომლებიც ძირითადად წარმართობიდან მოდიოდნენ. იგი მათში აკვირდება და გამოყოფს რწმენის ნიჭებს: დიდსულოვნება იესოს გამო ტანჯვაში, სამების ღმერთის საიდუმლოთა ცოდნა და ერთმანეთის გამოსწორების უნარი. დიდად მოსაწონია ეს მსხვერპლი და შესაწირავი ღმერთისთვის, რამეთუ სულიწმიდის მიერ არიან ნათელმოსილნი და გარდაქმნილნი.

8 ნოემბერი

რიგითი ჟამის XXXI კვირა [III]

შაბათი

2025

საქართველოს კათოლიკე ეკლესიის
ყველა წმიდანი, (მ), თ

რომ 16,3-9.16.22-27; ფს 144; ლკ 16,9-15

ვერ იქმნასურებით ღმერთსაც და ფუფუსაც ლკ 16,13

ყოველი კაცის გული, და არა მხოლოდ მდი-
დართა, თავის საგანძურს ატარებს: პირო-
ვნება, საქმიანობა, გეგმა... დღევანდელ სახა-
რებაში იესო ცხადყოფს საიდუმლოს, რათა
ამ სიმდიდრეებიდან გავთავისუფლდეთ და
ვხარობდეთ იმით, რომ მხოლოდ იგია ჩვენი
უფალი: შევეცდებით ეს განძი ჩვენს მოყვა-
სებს ვუწყალობოთ.

9 ნოემბერი

პვირბ : რომის საკათედრო ტაძრის, ლატიერანის
ბაზილიკის კურთხევა, დ, [ს], თ
2025 :

ებეკ 47,1-2.8-9.12; ფს 45; 1კორ 3,9c-11.16-17; იო 2,13-22

უფი სახლის უური უმჯამს მე იო 2,17

იესო ტაძრის ეზოშია. ხედავს, რომ “თავისი მამის სახლი” სავაჭრო ადგილად ქცეულა. მან საბელის შოლტი გააკეთა და ყველა გამორეკა ტაძრიდან. ასე განწმინდა „ლოცვის სახლი ყოველი ხალხისთვის“. მადლობა, იესო, შენი გულმოდგინებისთვის. მადლობა შენს მიერ გაწეული საქმეებისა და ქადაგებისათვის, რომლებიც წმიდაყოფენ და ალამაზებენ შენს ეკლესიას, წლევანდელი საიუბილეო წლის მიმართ პატივისცემით.

10 ნოემბერი

რიგითი ჟამის XXXII კვირა [IV]

ორშაბათი

2025

• წმ. ლეონ დიდი, პაპი, ეკლესიის მოძღვარი,
• +461, (მ), თ
• (28.X) წმ. მღვდელმოწამე ნეოფიტე ურბნელი.
• VII ს.

სიბრძ 1,1-7; ფს 138; ლკ 17,1-6

უფლის სული ავსებს სამყაროს სიბრძ 1,7

ღმერთის სიტყვა გვეხმარება მისი მოსიყვარულე მზერის ქვეშ ვიყოთ და მის სულიწმიდას მივუყვებოდეთ. შევეცდები ჩემი ცხოვრება მის ნებას შევუსაბამო და ვიფხიზლო, რომ არ ჩავვარდე ცდუნებებში.

მისი დახმარებით შევძლებ ეკლესიაში ძმური რწმენით ცხოვრებას ისე, რომ არავის შევუქმნა დაბრკოლება.

მოდი, სულს წმიდას და გამოგვძერწე.

11 ნოემბერი

რიგითი ჟამის XXXII კვირა [IV]

სამშაბათი :

2025 :

წმ. მარტინ, ტურსის ეპისკოპოსი, +397, (მ), თ
(29.X) წმ. ღირსი სერაპიონ მარშმელი, აბატი, +900

სიბრძ 2,23 - 3,9; ფს 33; ლკ 17,7-10

ღმერთმა თავის ღირსად შერაცხა ისინი სიბრძ 3,5

„ღმერთმა გამოსცადა და თავის ღირსად შერაცხა ისინი“: ასე ამბობს სრული ტექსტი. ზოგჯერ გვიგრძნია, როგორ გვცდის უფალი. თუმცა, მათი სიყვარულიც გვიგრძნია, ვინც გვერდში გვედგა რწმენის გაძლიერებაში. მამა ხარობს თავის შვილთა ამ ძვირფასი სიყვარულით და აკურთხებს მას. წმიდა მარტინის შემთხვევაშიც ასე იყო. ამბობენ, რომ მან თავისი მოსასხამი სიცივისგან გათოშილ ღატაკს უწილადა.

12 ნოემბერი

რიგითი ჟამის XXXII კვირა [IV]

ოთხშაბათი :

2025 :

წმ. იოსაფატი, პოლოცკის ეპისკოპოსი, წამებული,
+1623 ვიტებსკში, (მ), წ

სიბრძ 6,1-11; ფს 81; ლკ 17,11-19

ადექი და წალი, უფმა რწმენამ ეისსა უფ ლკ 17,19

ათი კეთროვნიდან მხოლოდ ერთი უცხოტომელი დაუბრუნდა იესოს მადლობის სათქმელად, ხოლო დანარჩენები უწინდებურ ცხოვრებას დაუბრუნდნენ... მხოლოდ მან შეიცნო იესო და საბოლოოდ, შეიცნო ღმერთის სიყვარული. და იესოც, სიყვარულით მიავლენს მას, რათა იყოს ნათელი წუთისოფელში.

13 ნოემბერი

რიგითი ჟამის XXXII კვირა [IV], მწ

სუთხაბათი :

2025 :

წმ. 100.000 წამებული, +1227

სიბრძ 7,22 - 8,1; ფს 118; ლკ 17,20-25

აჰა, თვითონ თქვენშია ღვთის სასუფეველი! ლკ 17,21

ღვთის სასუფეველი გარედან როდი მოდის “მზამზარეულად”. ზეციერი მამა გვანიჭებს მისი აგების უნარს. როდესაც იესოს ჩემს გულში გავამეფებ ანუ როდესაც ყოველდღიურ არჩევანში და ურთიერთობებში მის ნებას გავყვები, მაშინ იქცევა ჩვენი თანაცხოვრება მის სამეფოდ. მშვენიერ, მშვიდ და ხალისით სავსე სამეფოდ!

14 ნოემბერი

რიგითი ჟამის XXXII კვირა [IV], მ5

პარასკევი :
2025 :

სიბრძ 13,1-9; ფს 18; ლკ 17,26-37

ვინც ცდილობს თავისი სული შეინარჩუნოს,
დალუპავს მას ლკ 17,33

ჩვენდა უნებურად ვცდილობთ გავექცეთ
მას, რაც სულს გვიმძიმებს და სირთულეებს
გვიქმნის. ისიც ვიცით, რომ ჩვენი
ეგოს მუდმივი დაკმაყოფილება სრულ
ბედნიერებას ვერ მოგვანიჭებს. ხშირად
პირიქით ხდება! განა ახალი სიცოცხლე
მშობიარობის ტკივილით არ იშვება? დღეს
პარასკევია და ჯვარცმული იესო, თუკი
ერთობაში დავრჩები მასთან, ხსნას და ახალ
ცხოვრებაში აღდგომას მპირდება.

15 ნოემბერი

რიგითი ჟამის XXXII კვირა [IV], მწ

შაბათი
2025

წმ. ალბერტ დიდი, რევენსბურგის ეპისკოპოსი,
დომინიკელი, ეკლესიის მოძღვარი,
+1280 კიოლნში

სიბრძ 18,14-16; 19,6-9; ფს 104; ლკ 18,1-8

როცა ძე კაცისა მოვა,
ნეტა ჰპოვებს ამქვეყნად რწმენას? ლკ 18,8

ვერავინ გასცემს ამ კითხვაზე პასუხს. პასუხს არც იესო მოელის, მას უბრალოდ სურს და იმედოვნებს, რომ სულ სხვა კითხვა იშვება ჩემში: “ისევ ცოცხლობს ჩემში რწმენა?”. დღეს ამის ხილვა ძალუძს იესოს, როდესაც მის ნებას ვასრულებ. არ დავიღლები სულიწმიდისთვის შეწევნის თხოვნით!

16 ნოემბერი

რიგითი XXXIII კვირადღე, «ბ», [I], მწ

კვირა
2025

- [სნეულთა მფარველი ღმრთისმშობელი;
- წმ. მარგარიტა შოტლანდიელი, +1093 ედინბურგში;
- წმ. გერტრუდა, ქალწული, მონაზონი, +1302 ჰელფტაში (გერმანია)]

მაღ 3,19-20; ფს 97; 2თეს 3,7-12; ღკ 21,5-19

უპოვართა მსოფლიო დღე

მოთმინებით მოიპოვეთ თქვენი სული ღკ 21,19

წუთისოფელში თვით წარმტაცი და მშვენიერიც კი ქრება, დიდი ჯაფით აგებული ნადგურდება. ღმრთისმომშიშიც განიცდს ტანჯვას მისი სიყვარულის გამო. ჩვენ არ გვეშინია, რამეთუ ვიცით, რომ მისი სიყვარული დაიფარავს ჩვენს სულს. გვიყვარს და მას ვემორჩილებით, შეჭირვებისა და დევნის მიუხედავად.

17 ნოემბერი

რიგითი ჟამის XXXIII კვირა [1]

ორშაბათი

2025

• წმ. ელისაბედ უნგრელი, თიურინგიის ჰერცოგინია,
• მონაზონი, +1231 მარბურგში(გერმანია), (მ), თ
• (4.XI) წმ. იოანე, სტეფანე და ესაია, მონაზონნი,
• ქრისტეს საფლავის მოღვაწენი

1მაკ 1,10-15.41-43.54-57.62-64; ფს 118; ლკ 18,35-43

წმ. ელისაბედის დების დღესასწაული

იესო ნაზარეტელი მოდის! ლკ 18,37

იესო, ზოგჯერ აბუჩად ასაგდებად გეძახდნენ „ნაზარეტელს“: შენ ხომ მივიწყებული სოფლიდან მოდიოდი, წმიდა წერილშიც რომ არ არის მოხსენებული... მაგრამ წინასწარმეტყველი „კვირტზე“ საუბრობდა, ანუ ყვა-ვილზე, რომელიც იესეს ანუ დავითის მამის ფესვიდან აღმოცენდებოდა. “კვირტი” სიტყვა “ნაზარეთის” ერთ-ერთი მნიშვნელობაა. კვირტი იმედს გვისახავს: ნაზარეტელი იესო სრულად აახდენს იერიქონელი ბრმა კაცის რწმენით აღსავსე იმედს.

18 ნოემბერი

რიგითი ჟამის XXXIII კვირა [1], მწ

სამშაბათი :

2025 :

წმიდანთა პეტრე და პავლე მოციქულთა
ბაზილიკათა კურთხევა

2მაკ 6,18-31; ფს 3; ლკ 19,1-10

ბე კაცისა მოვიდა ღაქარგულის
მოსაძებნად ღა სახსნელად ლკ 19,10

ცუდს ფიქრობდნენ მასზე, რამეთუ ცოდვილი
კაცის სახლში დაიპატიჟა თავი! ეს უკვე მე-
ტისმეტი იყო მათთვის! იესო როდი უშინდება
გაკიცხვას და, ბაქეს სახლში შედის. მის გულ-
შია მამა, ვისაც შვილივით უყვარს ეს გულქვა
ცოდვილი, და ეძებს მას.

იესო, შენ მეც მეძებდი: მარადჟამს გაქებ!
მადლობას გწირავ იმ სახლში ყოფნის გამო,
სადაც ჩვენ, ცოდვილები ვიკრიბებით!

19 ნოემბერი

ოთხშაბათი :
2025 :

რიგითი ჟამის XXXIII კვირა [1], მწ

2მაკ 7,1.20-31; ფს 16; ლკ 19,11-28

წინ წავიდა იერუსალიმში ასასვლელად ლკ 19,28

იესო მყარი ნაბიჯებით მიუყვება აღმართს იერუსალიმისკენ, იქ მას მეფე-მესიად მიიღებენ. სწორედ აქ გასცემენ და აცვამენ ჯვარს. და ბოლოს, სწორედ აქ აღადგენს მას მამა. არ შევუშინდები თუკი მეც მომიწევს აღმართზე ასვლა: გულმოდგინედ გავუყვები იესოს გზას და ჩემს და-ძმებში ვემსახურები მას. ამაღამ აღდგომის სიმშვიდეში გახმიანდება მისი ხმა: „კეთილი... ჩემი ერთგული იყავ“.

2025 წლის 20-ე მარტი

ხუთშაბათი :
2025 :

რიგითი ჟამის XXXIII კვირა [I], მწ

1მაკ 2,15-29; ფს 49; ლკ 19,41-44

მიწასთან გაეცას რებენ შენ და შენს შეიღებს ლკ 19,44

ამ სიტყვებს იერუსალიმზე ამბობს და თანაც
ტირის მის გამო.

იესოს ცრემლები, ღმერთის ძის ცრემლები:
კიდევ უფრო მეტად იწვევენ ჩემში მისდამი
სიყვარულს, მთელი არსებით მიპყრობენ მე,
ცოდვილ კაცს. მსურს განუგეშო, იესო; მსურს
თავი მოგიძღვნა, რათა მავანი დღეს შენი
რწმენით სიცოცხლეს დაუბრუნდეს!

21 ნოემბერი

რიგითი ჟამის XXXIII კვირა [1]

პარასკევი :

2025 :

ნეტ. ქალწ. მარიამის ტაძრად მიყვანა (მ), თ

1მაკ 4,36-37.52-59; საგ. 1ნემტ 29,10-12; ლკ 19,45-48

მთელი ხალხი მოუშორებლად უსმენდა მას ლკ 19,48

იესო ტაძარში შედის. სურს, რომ ეს ადგილი თავისუფალი იყოს. აქ, განაღებულ ვაჭრობის მიუხედავად, „ყოველდღე“ ასწავლიდა იგი ღმერთის სიტყვას. მისი მსმენელები ღმერთის ახალ ერად ყალიბდებიან. იგი თავისი ეკლესიის ჯაჭვის პირველი რგოლია. ხოლო უწმიდესი მარიამი, რომლის ტაძრად მიყვანების დღეს ვზეიმობთ, ისევ ამ სიტყვებით მოგვმართავს: „გააკეთეთ, რასაც ის გეტყვით“.

22 ნოემბერი

შაბათი

2025

რიგითი ჟამის XXXIII კვირა [1]

წმ. ცეცილია, ქალწული,
წამებული რომში +~250, (მ), ♀

1მაკ 6,1-13; ფს 9; ლკ 20,27-40

ვინც ღირსნი არიან მოიზღვონ მკვდრებით აღდგომა,
არც ცოლს ირთავენ, არც თხოვლებიან ლკ 20,35

იესო ახალ ცხოვრებას გვიმჟღავნებს, რომელიც მის სიყვარულში განვლილი მიწიერი ცხოვრების შემდეგ მოგველის ბეცად. ჩვენი გული სრულად უფლისადმი იქნება მიმართული და ადამიანური გრძნობები აღარ დაგვჭირდება, როგორც ანგელოზებს. ყველას გამო და ყველასთან ერთად გავიხარებთ მისი ჩვენთან და ჩვენთვის ყოფნით.

23 ნოემბერი

რიგითი XXXIV კვირადღე,

უფლისა ჩვენისა იესო ქრისტისა,

კვირა

• სამყაროს მეფისა, «გ», დღ, [ს], თ
• [(10. XI) წმ. გიორგი ნამეხუცი]

2025

• [წმ. კლემენტ I, პაპი და წამებული, +~97 რომში; / წმ. კო-
• ლუმბან, ლიუქსოილის აბატი (ზემო სონა) +615 ბობიოში
• (იტალია); / (10. XI) წმ. დიდმოწამე კონსტანტი-კახი, +852]

2მეფ 5,1-3; ფს 121; კოლ 1,12-20; ლკ 23,35-43

ლიტურგიული წელიწადის ბოლო კვირა
ახალშენის კათოლიკური ეკლესიის დღეობა

[გიორგობა. უდუში „პირდაპირების“
სამლოცველოს დღეობა]

იხსნას თავისი თავი, თუ ქრისტეა ლკ 23,35

სწორედ ეს არის, რისი გაკეთებაც იესომ არ ურჩია! დიახ, იგი ქრისტეა, მაგრამ არა მათ მიერ ნანატრი. იგი ქრისტე მეფეა, ვინც სიყვარულით ადის ჯვარზე და მის გვერდით მომაკვდავ ავაზაკს ეტყვის: „დღესვე ჩემთან ერთად იქნები სამოთხეში“.

დიდება შენდა, იესო ქრისტე, ვინც კეთილი მწყემსის დარად მეფობ.

24 ნოემბერი

რიგითი ჟამის XXXIV კვირა [II]

ორშაბათი

2025

წმ. ანდრია დუნგ-ლაკი ხუცესი და მისი მეგობრები, ვიეტნამში წამებულნი, 1625–1886წწ. (მ), წ

დან 1,1-6.8-20; საგ. დან 3,52-56; ლკ 21,1-4

ღარიბმა ქვრივმა ჩააგდო ორი ლექვა ლკ 21,3

„ტაძრის საგანძურის“ წინ ვდგავართ: მოგიერთი მდიდარი ბევრს ყრის. ქვრივიც უახლოვდება, რომ თავისი შესწიროს. იესო ხედავს და თავის მიმდევრებს ამ განსხვავებაზე მიანიშნებს. მდიდრები ყრიან, რაც ზედმეტი აქვთ, რაც მათ ცხოვრებას ოდნავადაც არ შეცვლის, ხოლო ქვრივმა ჩაღო „მთელი სარჩო, რაც ებადა“. ეს მისთვის ძვირფასი შესაწირავია. ამით აჩვენებს მომხვეჭელობისგან თავისუფალ გულს, რაც ყოვლად აუცილებელია იესოს მიმდევრებისთვის, რათა სრულად ენდობოდნენ მამის განგებულებას.

25 ნოემბერი

რიგითი ჟამის XXXIV კვირა [II], მწ

სამშაბათი

2025

წმ. ეკატერინე ალექსანდრიელი, ქალწული
და წამებულის, +III-IV სს

დან 2,31-45; საგ. დან 3,57-61; ლკ 21,5-11

ზეციური ღმერთი დამყარებს სამეფოს,
რომელიც უკუნისამდე არ დაიქცევა დან 2,44

სამეფო, რომელსაც დანიელ წინასწარმეტყველი აუწყებს, იესოს და მისი ეკლესიის სამეფოა: არასოდეს განადგურდება, რამეთუ მამის უკვდავ სიყვარულზეა აგებული. მასში და-ძმებავით ვცხოვრობთ, მოციქულებს ვუსმენთ და პურის გატეხვას ვესწრებით... ის, ვინც ცხოვრების ამგვარ სტილს იღებს, ღმერთის სიყვარულს და მშვიდობას ჰფენს მთელს წუთისოფელს. აჰა, აქა ვარ, იესო და შენი ნების აღსრულება მწაადია.

26 ნოემბერი

ოთხშაბათი :
2025 :

რიგითი ჟამის XXXIV კვირა [II], მწ

დან 5,1-6.13-14.16-17.23-28; საგ. დან 3,62-67; ლკ 21,12-19

ბენედიქტელ დ. მარია დი ჯეზუს გახსენება (+2024)

მე მო-გცემთ თქვენ ჰიოსა და სიბრძნეს ლკ 21,15

იესო ბოლო ჟამზე და თავის დიდებულ და-
ბრუნებაზე საუბრობდა. მაუწყებელ ნიშანთა
შორის იყო დევნა, ადრიდანვე დაწყებული.

უპირველესად, დიაკონ სტეფანეს წინააღ-
მდეგ მიმართული დევნა, ვისზეც ამბობდნენ,
რომ მისი ბრალმდებელნი ვერ უძლებდნენ

იმ ზებუნებრივ სიბრძნეს, რითაც იგი სა-
უბრობდა. ასე იყო რწმენის აღმსარებელთა
შემთხვევაშიც. გმადლობ, იესო: შენ გვერდით
უდგახარ შენს ეკლესიას, დღესაც განსაც-
დელში მყოფს და სიბრძნესა და გამბედაო-
ბას სძენ შენს დასამოწმებლად.

27 ნოემბერი

ხუთშაბათი :
2025 :

რიგითი ჟამის XXXIV კვირა [II], მწ

დან 6,12-28; საგ. დან 3,68-74; ლკ 21,20-28

გაიმართეთ და თავი ასწიეთ,
რადგან ახლოვდება თქვენი ხსნა ლკ 21,28

იესოს სიტყვა, რომელიც ლიტურგიული წლის ამ ბოლო დღეებში მოგვეწოდება, შეგვახსენებს, რომ დედამიწაზე ყოველივე წარმავალია. შეგვიძლია ვემზადოთ მეგობრობის დასრულებისთვის, ჩვენი მსახურების მარცხისათვის, საყვარელი ადამიანის სიკვდილისთვის. ეს ყოველივე იქნება პირობა იმისა, რომ „თავი ავწიოთ“: იესო, ვინც არის, იყო და იქნება, იმაზე უფრო ახლოსაა, ვიდრე ოდესმე!

28 ნოემბერი

პარასკევი :
2025 :

რიგითი ჟამის XXXIV კვირა [II], მწ

დან 7,2-14; საგ. დან 3,75-81; ლკ 21,29-33

ცა და მიწა გადაივლიან,
ჩემი სიტყვები კი არ გადაივლიან ლკ 21,33

იესომ იწინასწარმეტყველა ტაძრისა და წმიდა ქალაქის დანგრევა. იგი ასევე ჟამთა აღსასრულზე და თავის დიდებულ დაბრუნებაზე საუბრობდა. მადლობა, იესო, რამეთუ ეს დღე ყოველი შენი მორწმუნისთვის ლხენისა და თავისუფლების დღე იქნება. მადლობა, რამეთუ შენი სიტყვა მუდამ შემწედ ევლინებოდა პირველ ქრისტიანებს და შენს ეკლესიას, და მუდამ ასე იქნება, რამეთუ შენ მკვდრეთით აღმდგარი და ცოცხალი ხარ უკუნისამდე.

29 ნოემბერი

შაბათი
2025

რიგითი ჟამის XXXIV კვირა [II], მწ

დან 7,15-27; საგ. დან 3,82-87; ლკ 21,34-36

ყველა ხელმწიფე მას მოემსახურება
და მას დაემორჩილება დან 7,27

აგერ, ახლახან აღვნიშნეთ იესოს, სამყაროს მეფის დღესასწაული. ამჯერად, დანიელი სხვა მეფეებზე გვიყვება, არა შორეულზე, არამედ ჩვენს გულებში მყოფებზე. ეჭვიანობა და შური, სიამაყე, მამისადმი უნდობლობა, ძალაუფლების სურვილი... ეს ის საშინელი მეფეები არიან, რომლებიც გვანადგურებენ! მოდი და იმეფე, უფალო იესო, მეუფეო სიყვარულისა და მშვიდობისა!

30 ნოემბერი

ადვენთის | კვირადღე, «ა», [I], ი

პვირბ

2025

[წმ. ანდრია, მოციქული]

[(17.XI) წმმ. მიქაელ-გობრონი და 133 მხედარი, +914]

ეს 2,1-5; ფს 121; რომ 13,11-14; მთ 24,37-44

ახალი ლიტურგიული წლის დასაწყისი

[ბეთლემის (ახალხიზა) კათოლიკური ეკლესიის დღეობა]

მზად იყავით მთ 24,44

იესო, შენ არ გაგიმხელია შენი მოსვლის ჟამი, შენ უბრალოდ გვითხარი - “მზად იყავით”. როგორც ნოეს დროს “ჭამდნენ და სვამდნენ, ცოლს ირთავდნენ, თხოვდებოდნენ...”, ჩვენც ასე მოვიქცევით ყოველდღიურ ცხოვრებაში, მუდამ გულში გვეყოლები: მშვიდობით, სიხარულით, თავმდაბლობით. და იმ დღეს ანგელოზები გაიხარებენ, რამეთუ „სახლში“ მიგვიყვანენ.